



UNIVERSITÄTS-
BIBLIOTHEK
PADERBORN

**Judicium Ecclesiasticum Seu Decretalium Gregorij IX.
Pont. Max. Liber II.**

Schmalzgrueber, Franz

Ingolstadii, 1726

§. I. De Probationis Natura, Varietate, Effectu.

[urn:nbn:de:hbz:466:1-74990](#)

proxima est , & propterea erroneam confessionem revocari prohibet. Quæ , & plura latius prosequitur Hiltrop. l. cit. à n. 2. qui n. 8. notat , ea , que dicta sunt de confessione erronea , non tantum procedere in reo negante , vel confitente aliquid

aliter , quæ res se habeat , sed etiam in actore , qui si in libello suo non ex veritate narraret , vel deduceret , posset id ipsum impune revocare ante item contestatam , post contestationem litis autem non aliter , quæ si errorem doceret.

TITULUS XIX.

De Probationibus.

Inter Positiones Actoris reus alias confitetur ; alias negat : quas confitetur , probare non debet Actor , sed Rei confessione à probatione earum relevatur : quas negat , probare oportet ; nam ut bene Zœf. hic n. 1. inanis est actio , nisi indubitate probationis fide liqueat vera esse , quæ ad-

ducuntur. Potest autem illas probare vel per testes , vel per instrumenta , vel ex præsumptionibus , aut Juramento suppletorio probationis : ad quas probationum species antequam descendatur , non inconvenienter Titulus de Probationibus in genere hic præmittitur. Sit igitur

§. I.

De Probationis Natura , Varietate , Effectu.

SUMMARIUM.

- 1. 2. 3. Definitio Probationis , & hujus explicatio.
- 4. 5. 6. Forma.
- 7. 8. 9. Varietas.
- 10. 11. 12. 13. Species Probationis plene & ejus effectus.
- 14. 15. Species , & effectus Semiplene probationis.

- 16. 17. Quando duo Semiplene faciant unam plenam?
- 18. 19. 20. 21. Inspectionis Ocularis modus , & vis.
- 22. Quid sit Fama?
- 23. Modus istam probandi.
- 24. Effectus in Criminalibus causis.
- 25. In Civilibus.

Quartur 1. quid sit Probatio ?
2. Probatio , prout hoc pertinet , communiter definiri solet , quod sit rei dubie , seu controversie per legitimam argumenta facta ostensio . Ita Accurs. ad Rubr. C. b. tit. Host. in Summ. hic n. 1. Mascard. de probat. Procœm. q. 2. n. 3. Pith. n. 1. hic. Schambog. n. 1. & plures alij. Faciunt aliqui difficultatem , quod non conveniat Probationi per testes , & instrumenta ; quia haec propriè argumenta non sunt : Verum haec difficultas facile solvitur , si dicatur Vocem Argumentum hic sumi late pro quoquaque medio utili ad probandum. Vel si extendere hoc modo vocem Argumentum non libeat , dic cum alijs : Probatio est Actus Judicialis , quo per instrumenta , aut testes , aut idonea argumenta Judici de re , aut facto dubio , & controverso fit fides. Dicit haec definitio quoad sensum idem , quod prior , sed clarior aliquando est , eamque defendant Welsenbec. ff. b. tit. n. 2. Struv. Syntagm. ibid. n. 2. Pith. l. cit. König n. 2. Wiest. n. 2. cum alijs.

Dicitur 1. Actus Judicialis ; quia probationes fiunt post item contestatam , à qua propriè Judicium incipit , ut Tit. s. n. 1. supra dictum est : quod intelligendum est ordinariè ; nam aliquando Attestationes recipiuntur ante item institutam , vel contestatam : de quo Tit. 6. à n. 2. differui latius.

Dicitur 2. Judici ; nam huic , non parti facienda probatio est ; parti enim numquam satis probaretur , etiamsi quis ipsum Solem pro ostendenda veritate in manibus gereret l. quingenta 12. in fin. & ibi Gloss. V. Judici ff. b. tit. Similiter nec Probatio fieri debet Notario ; quia hujus non est qualitatem Probationis examinare , nisi hoc eidem delegetur à Judice. Sed quamvis hoc verum sit , in præsencia tamen utriusque fieri debet : Adversarij quidem , ut respondere objectis possit ; Notarij autem , ut in acta eandem referat c. ex litteris 3. b. tit.

Dicitur 3. per argumenta idonea . sc. talia , quæ ad causam propositam faciant , & necessariò concludant , seu inferant id , quod per Probationem intenditur ; nam finis Probationis est , ut Judici fidem faciat l. quingenta cit. & ut is intelligere possit , quem sententiam ferre debeat : quorum neutrum fieret , si Probationes concludentes non forent.

Dicitur 4. de re , aut facto ; nam ea , quæ Juris sunt , quia jam antecedenter Judici censentur nota , idcirco probatione non indigent. Excipitur , nisi sint Juris specialis , aut consuetudinarij ; haec enim , quia peritissimos latere possunt , ab allegante probanda sunt. P. Wiest. hic n. 2. fin.

Dicitur 5. dubio , & controverso ; quia mani-

manifesta, & evidenter probatio non indigent *caus. manifesta* 15. *caus. 2. q. 1. & c. evidencia 9. de accusat.* *Excipe*, si tantum sint manifesta parti ea alleganti; haec enim probari debent, ut usus quotidianus habet, quo factorum propriorum, si ea in *Judicio* allegentur, ab allegante probatio petitur, cum tamen nihil magis manifestum sit alleganti, quam factum proprium. Imò quandoque etiam non sufficit, si id manifestum sit etiam *Judicii*, quando eidem privatim innuitur. *Sichard. in Rubr. C. b. t. n. 10.* *Perez eod. n. 2.* *Haun. tom. 5. tr. 4. n. 8.* *Wiest. hic n. 3.* Ratio est, quia *Judex*, cum judicat, gerit personam publicam, & secundum scientiam publicam, quae per allegata & probata obtinetur, ferre debet sententiam.

Quaritur 2. quæ sit forma Probationis? 2. Forma *Probationis* constituit in legitima rei controverxa ostensione, & probatio. Ut autem talis sit, plura requiruntur. 1. Debet esse clara, perspicua, & certa, quæ *Judicem* de assertione, atque intentione litigantium plenè instruat *c. in presentia 8. b. t.* *Vivian. ibid. in ratione.* *Barbol. n. 18.* *Vallens. hic §. 5. n. 1.* *Pirh. n. 70.* *König. n. 28.* Ratio est, quia animum *Judicis* ad sententiam ferendam mouere debet.

Fieri debet secundum formam *Libelli*. *Host. Summ. b. tit. n. 5. 8.* *Et qualiter, Wesenbec. ff. eod. n. 8.* *Pirh. n. 70. hic.* Ratio est, quia secundum formam *Libelli* pronuntiari debet. Et hinc impertinentes articuli merito rejiciuntur, ne inanes sumptus litigatores faciant.

3. Non debet fieri in transcurso, sed citata ad ejus receptionem adversa parte arg. *l. nam ita 39. ff. de adoption.* *l. de unoquoque 47. ff. de Rejudic.* *Autb. sed & si quis C. de testib.* *Wesenbec. l. cit.* *König. n. 25.*

4. Institui debet post item contestatam tot. tit. *Ut lit. non contes.* *Vallens. hic §. 4. n. 1.* *Zœl. n. 7.* *Pirh. n. 71.* *König. n. 26.* Excipitur, nisi valetudo, leniuntur aut instans longa absentia testium fudeat depositiones testium ante item contestatam recipi, ut dictum est *Tit. 6. à n. 4.* Item si probanda sunt Exceptions Dilatoria; nam haec, uti regulariter ante litis contestationem proponuntur, ita etiam regulariter statim probari debent.

5. Fieri debet intra terminum à *Judice assignatum.* *Wesenbec. n. 8. cit.* *Vall. S. 4. n. 2.* *König n. 27.* Interest tamen plurimum, an terminus simpliciter ad probandum, an ad probatum habendum assignatus sit. *Priori casu* sufficit testes productos jurâsse infra terminum *Dilatationis*, licet non fuerint examinati, & poterunt examinari post terminum; *posteriori casu* intra terminum testes produci, & examinari debent, nec possunt pestea, eo quod lapsus termini sic dati vim conclusionis in causa habeant. *Haun. tom. 5. tr. 4. n. 58.*

6. Post publicata *Testimonia*, & Conclusionem in causa non est admittenda alia probatio super iisdem articulis, sed sententia ferenda est secundum priorum testimoni depositiones. Sumitur ex *c. juravit 6. b. tit.* & *Autb. at qui semel C. eod.* Ratio est, quia per Conclusionem in causa censentur partes renuntiâsse probationibus.

7. In probando servandus est ordo; primò enim intentionem suam probat actor, tum reus in sua exceptione auditur. *l. exceptionem 19. C. b. t.*

8. Denique acta *Judicij*, & Sententia lata in causa scripto debet excipi à Notario, vel alijs duobus viris idoneis, qui Notarij locum sivebant; alias fides non habetur processui, & *Judicij* actis *c. quoniam 11. b. tit.* Proceditque hoc non tantum in *Judicio* plenario, sed etiam summario; neque refert, an causa agitur coram *Judice* ordinario, an coram delegato; imò & quando agitur coram arbitris compromissaris, Constitutio hæc locum habet; quia arbitria ad formam *Judiciorum* redacta sunt *l. compromissum 1. ff. de recept. qui arbitr.* Excipiuntur causa exiguae, & leviores, quæ necessariò scribenda non sunt, sed in illis creditur simpli assertioni, seu relationi *Judicis* sine scriptura *Autb. nisi breves C. de sent. ex brevic. recit.*

Quaritur 3. quotuplex sit *Probatio?* 7. tres potissimum divisiones assignari. 1. Dividitur secundum Aristotelem in Topicis in Artificiale, & Inartificiale. *Artificialis* est, quæ arte & industriâ probantis conficitur per argumenta, ex ipsis rei visceribus, ac locis intrinsecis petita; unde & *Instatam* vocant. Huc præcipue *Præsumptiones* spectant. *Inartificialis* est, quæ non ex visceribus rei, aut locis intrinsecis, sed extrinsecis assumitur à testibus, instrumentis, confessione, juramento &c. *Hiltrop. p. 3. tit. 8. S. de specieb. probat. n. 1.* *Wesenbec. ff. b. tit. n. 4.* *Haun. tom. 5. tr. 4. n. 10.* *Vallens. hic §. 2. n. 1.* *Zœl. n. 2.* *Pirh. n. 2.* *Wiest. n. 4.*

2. In *Judiciale*, quæ in *Judicio* post contestationem litis; & in *Extrajudiciale*, quæ extra item, & ante litis contestationem sit. Ita *l. cit.* *Haun. n. 12.* *Vallens. n. 5.* *Pirh. n. 4.* *Wiest. n. 5.*

3. Et principaliter in *Plenam*, & *Semiplenam*.

Tertiam hanc divisionem cum Duarenio, Donello, Paciano, Giphanio, ut commentitiam explodit *Wisenbach. ff. bic D. 48. n. 3.* & probari hoc videtur *l. ex l. Jurisjurandi 9. S. simili 1. C. detefib.* ubi Imperator, *Nunc*, inquit, *manifeste sancimus, ut unius omnino testis* (cujus depositio secundum nos *n. 14.* infra *Probationem semiplenam efficit*) *responsio non audiatur, etiam si preclare Curia honore fulgeat.* Ergo *Probatio semiplena* in *Judicio* virtù nullam ad probandum habet; cons. revera non est probatio.

batio. 2. l. *quidem* 9. C. de except. Imperatores refribunt, reum defensione non indigere, quando actor in probanda intentione sua defecit. Atqui iste in intentione sua deficere censendus tamdiu est, quamdiu illam non plenè probavit; tamdiu enim sine effectu est omnis ejus probatio. Ergo &c. 3. l. fin. C. de R. V. & l. negantes 9. C. de O. & A. constitutum est, casu, quo actor intentionem suam non implevit, reum, et si ex parte sua nihil præstiterit, absolvendum esse. Non censerur autem intentionem suam implevisse, nisi plenam probationem fecerit. Ergo &c.

Sed recedendum non est ab unanimi cæterorum Doctorum sensu, qui omnes Probationis divisionem in plenam, & semiplenam agnoscunt, & faciunt. Videantur Gaill. l. 1. obs. 108. n. 6. Mynsing. cent. 1. obs. 68. Hiltrop. cit. §. de specieb. probat. n. 2. Mascard. de probat. procœm. q. 4. n. 15. Pax Jordan. tit. 17. n. 12. Wesenbee. ff. b. tit. n. 4. Sichard. ad Rubr. C. eod. n. 4. & 5. Perez. ibid. n. 4. &c. Et hinc Primum argumentum pro retinenda hac divisione est maximus DD. in hoc consensu. 2. Quia ex Divino, humanoque Jure duo testes omni exceptione maiores faciunt plenam fidem. Ergo unus illorum semiplenam; nam quod Juris est in toto quoad rotum, id est etiam in parte quoad partem: conf. datur semiplena probatio. 3. Quia si nulla daretur semiplena probatio, nunquam locus esset Juramento suppletorio probationis; nam plenè probandi deserri non potest, ut dicetur *infra* n. 12. & nihil probanti non proficit, ut explicabitur Tit. 24.

Neque obstant Argumenta contraria. Ad 1. textus ille intelligendus est, vel de teste singulari singularitate obstativa, vel de casu, quo unius testis depositio alijs administris non adjuvatur; nam tali non creditur ad ferendam sententiam: interim tamen sufficiet ad deferendum Juramentum suppletorium, quo præstito, fieri Judici plena fides. Ad 2. Semiplena probatio, ut modò dixi, effectum probationis plena potest acquirere per Juramentum suppletorium, vel alia adminicula. Ad 3. si ita non accedant, reus est absolvendus; secus est condemnandus, saltem in causa Civili.

10. Quæritur 4. quid sit Plena probatio, quæ ejus species, & quis effectus? 4. Plena probatio illa dicitur, quæ plenam fidem facit Judici de re in Judicium deducere, & ita eundem in causa intritum, ut nullo alio ulterius requisito, sententiam ferre, & controversiam definire possit. Ita *suprà* cit. cum alijs.

Quatuor præcipue sunt ejusdem Species. 1. Testimonium, seu depositio duorum testimoniū omni exceptione majorum super uno, eodemque articulo. 2. Instrumentum publicum, vel alia Scriptura Authen-

tica huic quoad probandi vim æquiparata: 3. Praesumptio Juris, & de Jure, & quandoque etiam aliae. 4. Juramentum, quod à parte litigante sibi delatum pars adversa præstat. Addunt aliqui duas alias, Confessionem ipsius rei, & Evidentiam facti, quæ ex notorietaate ejusdem, vel inspectione oculari acquiritur. Verum hæ probationes revera non sunt; sed confessio potius est relevatio probationis, ut dictum est Tit. pœ. facti evidētia autem magis est facti demonstratio.

Effectus Plenæ Probationis triplex est 11 maximè. 1. Quod juxta illam sit ferenda sententia. Hinc condemnare Judex reum debet, si Actor intentionem suam plenè probaverit; absolvere autem, si Actor nihil, aut reus contraria plenè probaverit l. scriptum 11. & l. seq. C. b. tit. l. qui accusare 4. C. de edend. l. si inferiorem 2. C. de R. V. & l. domum 5. C. eod. alioquin Judex item faciet suam, & in id, quod litigatoris interest, condemnabitur. Hiltrop. tit. 8. cit. 5. de probation. n. 6. Wesenbee. ff. b. tit. n. 10. Vallens. hic §. 5. n. 3. Zœf. n. 10. Pirh. n. 73. König. n. 73. Sannig. c. 3. n. 3. Quodsi uterque, actor & reus, plenè probaverit, is vincet, qui pro se habet præsumptionem c. ex literis 3. v. quodsi ambarum b. tit. alioquin in pari causa, & probationum æquilibrio ejus absolvitur c. ex literis cit. c. inter dilectorum 6. in fin. de fid. instrum. & l. Arrianus 47. ff. de O. & A. nam hujus in Jure melior est conditio.

2. Quod Actor, qui plenè probavit 12 intentionem suam, non teneatur Juramento eam confirmare, sed oblatum à Judice recusare possit, ut statuitur c. sicut consuetudo 2. b. tit. & ratio est, quia cum Juramentum sit species quædam probationis, adhibetur tantum, quando causa nondum est probata sufficienter l. maximum 1. ff. de Jurejur. imò in nostro caſa licite deserri, & præstari non potest; quia ius naturale, & Divinum est exigi Juramento, ubi illud non est necessarium. Hinc quando l. manifesta 38. ff. de Jurejur. dicitur, quod manifeste turpitudinis, & confessionis sit nolle jurare in Judicio, id intelligendum est de caſu, quo actor non plenè adhuc probavit intentionem suam; nam plena probatione facta, recte illud recusat, cum iniquum sit aliquem superfluis probationibus onerare. Proceditque hoc, et si immemoriali consuetudine invaluerit, ut præter probationem plenam exigeretur Juramentum ab Actore; nam consuetudo hæc potius corruptela foret, cum nulla prorsus consuetudo contra Legem naturalem, & Divinam prævalere possit.

Neque dicas, etiam in Testamento ultra plenam probationem, quæ obtineri posset per duos testes, requiri pleniorem per testes septem: negatur enim paritas inter Juramentum & testes; nam ut illud præstari lici-

licitè possit, re quiritur necessitas: è contrario ut plures producantur testes, quām aliis Jure naturæ aut gentium sit necessarium, sufficit utilitas; habetur autem in producione plurium testimoniū hæc utilitas, ut per plures clarius veritas innoteat.

13. Quod is, contra quem plenè probatum est, non amplius admittatur ad Purgationem Canonica c. ad nostram 12. b. tit. Ratio est, quia Purgatio Canonica tantum conceditur suspecto, & non convicto; fit enim per Juramentum, quod cum offerri non soleat, ubi periculum est perjurij, convicto offerri non decet, quem primum est ad liberandum se pejorare. Interim tamen sic convictus admitti potest ad purgationem, & probationem propositionis negativæ indirectam, quæ non fit per Juramentum, sed per testes deponentes non de credulitate solum, sicut compurgatores, sed de veritate, finimur reus contra testes actoris, seu accusatoris, deponentes ipsum commissum crimen, ex adverso alias producunt testes, qui deponant, & indirecte probent crimen non esse commissum à reo; talis enim purgatio, & probatio contra priorem est licita, & admitti debet juxta c. ex tenore 35. de testib. Neque obstat, et si forte testes ad ducti ab auctore, vel accusatore videantur esse magis idonei; nam adhuc testes, qui pro innocentia Rei deponunt, ijs præseruntur, ut notat Abb. in c. ad nostram cit. n. 3. in fin.

14. Quæritur 5. quid sit *Probatio Semiplena*, quæ ejus Species, & effectus? **15.** *Semiplena Probatio*, quæ etiam *Imperfecta* dicitur, est, quā aliqua, non tamen plena fides Judici fit, nec sufficit, ut ex illa moveri possit ad ferendam sententiam pro hac, vel illa parte. Ita l. citt. Hiltrop. n. 3. Mafcard. q. 4. n. 17. Vallensi. n. 4. Engin. 9. cum alijs supra relatis.

Species illius sunt. **1.** Depositio unius testis, vel plurium singularium aut duorum etiam concordantium, sed non legitimorum, sed omni exceptione majorum. **2.** Instrumentum, seu Scriptura privata. **3.** Comparatio litterarum, quando de scripto dubitatur. **4.** Juramentum, quod *Suppletorium* nuncupatur. **5.** Præsumptio verisimilis, sive probabilis. **6.** Fama.

Ex his aliquæ faciunt Probat'ōnem præcisè *Semiplenam*, ut dictum unius testis omni exceptione majoris; aliae *Plusquam Semiplenam*, ita ut cum quodam adminicilio, vel indicio conjunctæ plenam confiant, ut depositio persona valde excellentis; nam si accedit testimonium alterius testimoniū non omnino integræ fidei, ex superabundanti illius habilitate istius defectus suppletur. aliae denique *Minimis*, quām *Semiplenam*, ut Præsumptio levior, quæ indicium duntaxat faciat, nec sufficit ad deferendum Juramentum *Suppletorium* probationis. Hinc etiam Probat'ō non plena pro horum graduum diversitate diversos operatur Effectus.

Effectus Probationis, quæ præcisè est 15. *Semiplena*, plures enumerantur. **1.** Dat locum Juramento supplerorio c. sicut consuetudo 2. b. tit. c. fin. v. Jan de Jurejur. l. in bone 3. C. de reb. credit. **2.** Liberat aliquando ab ulteriori onere probandi, & illud in Adversarium reiicit arg. l. verius 21. ff. & l. sive possidetis 16. C. b. tit. 3. Conjuncta alteri semiplenæ conficit plenam probationem: quod latius examinabitur n. seq. 4. In uno, vel altero casu sufficit ad ferendam sententiam, ut si agatur de matrimonio contrahendo; nam impedimento semiplenæ probato, Judex per sententiam interdicere Matrimonium potest c. præterea 12. de sponsal. c. super eo 2. de Consang. Alij videri apud alios possunt.

Minimis, quam *Semiplena*. **1.** Facit adminiculum, & alijs juncta aliquando plenam, aliquando semiplenam, nonnunquam plus quam semiplenam probationem efficit arg. l. proprietatis 4. C. b. tit. **2.** Quando reliquæ probationes à partibus allatae æquales sunt, facit, ut pars illa obtineat, pro qua stat ulterior Probat'ō minus, quām *Semiplena*. Menoch. l. 1. de presumpt. q. 87. n. 3. Berlich. concl. 36. n. 125. **3.** Ex multorum sententia præbet occasionem Juramento Judiciali. **4.** Eum, contra quem affertur, suspectum reddit, ut adversus eundem inquire possit. Menoch. l. cit. n. 6. **5.** Facit, ut eidem Juramentum purgationis injungi posse c. quot iens 5. & c. ex tuarum 8. de purgat. can. **6.** Interdum sufficit ad apprehensionem ita suspecti.

Probatio plus quam Semiplena denique id speciale habet, quod aliquando in causis Civilibus sit idonea ad ferendam sententiam, etiamsi adminiculum nullum accedit: in alijs autem casibus, si adminiculo quoconque minus vehementi sufficiatur, redintegratur, & fiat plena probatio, ut post Alexandrum, Paulum de Castro, Paciuni &c. adstruit Miller. ad Struv. Exercit. 28. tb. 5. quem citat, & sequitur R. P. Schmier de Process. Judic. c. 7. n. 155.

Quæritur 6. an, & quando duas 16 semiplenæ probationes faciant unam plenam? Ratio dubitandi est; quia duo imperfecta non faciunt unum perfectum. Igitur nec duas semiplenæ probationes facient unam plenam probationem.

Sed hoc non obstante, dicendum omnino facere posse plenam probationem, si conjugantur, & ad unum, eundemque finem tendant, sive deinde sint ejusdem, sive diversi generis, ut unus testis cum Juramento, præsumptiones non adeo urgentes cum fama publica &c. Ita Gloss. in c. omni causam 13. V. adminicula b. tit. Gloss. in c. veniens 10. V. illorum de testib. Bartol. in l. admonendi 31. ff. de jurejur. n. 48. Mynsing. cent. 2. obs. 100. n. 3. Menoch. l. 1. præf. 41. a. n. 1. Hiltrop. §. de specieb. probat. n. 6. Ber-

Berlich. *concl. 36.* cit. à n. 147. Sichard. in *Rubr. C. h. tit. n. 6.* Perez. *cod. n. 5.* Haun. *tr. 4. cit. n. 11.* Honor. *bic n. 22.* Pirk. *n. 3.* Schamb. *n. 1.* Wiest. *n. 8.* & colligitur ex c. *cum causam cit. c. praterea 27. de test. c. fin. de success. ab intestat.* quibus textibus testes, fama, & quæcunque alia adminicula ad plenam probationem recipiuntur. Ratio est, quia quæ non probant singula, collecta juvant.

Excipiunt communiter Doctores. 1. *Causas criminales*, in quibus, et si duas semiplenæ probationes sufficiant ad effectum torquendi, inquirendi, suspendendi, non tamen sufficiunt, ut procedi ad condemnandum possit, nisi tales sint, quæ coniunctæ pariant moralē de criminē, de quo in reūm inquiritur, certitudinem; quia ut *l. fin. C. de probation.* habetur, in ijs causis requiruntur probationes luce meridiana clariores. 2. *Cause Matrimoniales*; nam quia ibi vertitur periculum animæ, plena probatio requiritur. 3. *Cause Civiles arduae*, si tales sint, ut quodpondus, & gravitatem criminalibus equi-parentur; & hoc ob grave præjudicium. Menoch. *l. cit. n. 10.* § 11.

Ad rationem dubitandi dico duo imperfæta non facere unum perfectum, quando tendunt ad diversa; secus, si tendant ad unum, eundemque finem, sicut duas semiplenæ probationes ad hoc tendunt, ut Judicidem faciant, qui informari in causa debet non ex uno solum probandi genere, sed ex pluribus & diversis *l. testium 3. §. ejusdem 2. fi. de testib.* Bartol. *l. cit. n. 49.* Pirk. *bic n. 3.*

Quæritur 7. quid sit *Inspectio ocularis*, & quomodo sit peragenda? 8. *Inspectio Ocularis*, Germanice *Augenschein / Augenscheinliche Besichtigung / Venias fungi / &c.* est probatio saltē latius accepta, quā Judice de re dubia, vel facto controverso per ipsam rei, in, vel extra Judicij locum oculis subjectæ, intuitionem fides conciliatur.

Ad eam recurritur sèpissimè, & aliquando etiam necessariò recurri debet in causa homicidij, aut vulnerationis, in novi operis nuntiatione, in causa damni infecti, in controversia de limitibus Parochiarum, Oppidi, Territorij, in objectione impotentia di- rimenti matrimonio &c. Videatur Engl. *bic n. 11.* Wiest. *n. 24.* Schmier *Proc. Judic. c. 13. n. 35.* & seqq. aliisque ab hoc citt.

9. Ut ad Causæ definitionem proficiat, peragenda est 1. à Judice competente per se, vel per aliam personam, quæ ipsius vices gerat, adhibito Judicij Notario, qui, si res patiatur, universa, quæ aguntur in ipsa inspectione, fideliter conscribat. Brunnem. *Pro-eccl. c. 22. n. 10.* Stryck. *tr. de Jur. sens. D. 1. c. 2. n. 14.* P. Wiest. *l. cit. n. 25.* P. Schmier *n. 48.*

10. Præcedere debet aliqua causæ

cognitio, num expediat rem, de qua agitur, oculis usurpari, num proficuum sit hos, vel illos artis peritos, an alios ad id vocare. *l. fin. irruptione 8. §. ad officium 1. ff. fin. regund.* ibi: *Si ita res exigit.* Stryck. *l. cit. n. 2.* § 4. P. Schmier *n. 42.*

11. Citari ad eam debent partes, quibus etiam prius auditis, plerumque decernitur. *Excipitur*, nisi forte Judex ex officio clām ad suam tantum informationem suscipere illam velit. Gaill. *l. 1. obs. 26. n. 10.* Brunnem. *c. 22. cit. n. 6.* Stryck. *n. 11.* P. Engl. *bic n. 12.* P. Wiest. *n. 26.* P. Schmier *n. 44.* § 45. Ratio est, quia de Jure ad actum vocandi sunt omnes, quorum interest *l. de unoquoque 47. pr. ff. de Re judic.* interest autem partum, inter quas controversia veritutis, oculari inspectioni presentem esse, cum per eam controversia sit decidenda. Ergo &c.

12. Ad illam ducendi sunt testes ab alterutro litigantium producti; quia in re praesenti se melius explicare, & Judicem informare possunt. Engl. *l. cit.*

13. Adhibenda plerumque sunt aliae personæ rei, de qua agitur, specialiter perite, ut Medici, & Chirurgi ad explorandam gravitatem vulneris, obstetrices, & aliae Matronæ honestæ, cum dubitatur de impotencia mulieris, Architecti, cum de novi operis nuntiatione, aut damno infecto ex ruinosis vicini ædibus, Agrimensores, cum de finibus & limitibus controversia agitur. Engl. Wiest. Schmier *l. citt.*

14. His de eo, quod verum esse cognoverint, sincerè edicendo deferendum est Juramentum, nisi hoc generaliter præstisit ent in susceptione officij, ad ejus, quam profidentur, artis, ut loquimur, jurati essent Magistri. Ita suprà citt.

15. Pro ea facienda dandum est tempus, quod alias statutum est faciendis probationibus: imò largius; potest enim admitti etiam post publicata attestata, & ipsam conclusionem in causa, imò etiam post rem judicatam. Berlich. *concl. 47. à n. 27.* Ratio est, quia ocularis inspectio, cum habeatur ab experientia sensum, habetur pro veritate; veritati autem semper locus esse in Judicio debet.

16. Si cum his requisitis peracta sit, probationum omnium validissima est arg. *l. fin. irruptione 8. fin. ff. fin. regund.* & *l. pediculis 32. §. Neratus 5. ff. de aur.* § arg. legat. Gaill. *l. 1. obs. 26. n. 9.* Berlich. *concl. cit. à n. 14.* Wiest. *bic n. 27.* adeò, ut locum habeat etiam casu, quo lege, vel statuto aliae probationes non admittuntur, nec sententia respectu illius in rem judicatam transeat, sed per aliam sententiam rescindi possit, & debeat. Mascard. *de probat. Procœm. q. 8. n. 16.* Quod verum est, si per ocularem inspectionem obtineatur facti evidētia; non enim semper obtinetur, quod sèpè falso

latur oculus, & ejus, quæ investigatur, veritatis indicia certa desiderentur. Wiest. n. 28. apud quem vide plura, quando in causis Matrimonialibus sit adhibenda.

Quæritur 8. quid sit Fama, & quæ illius vis ad probandum? 9. Fama alia hominis, alia inter homines dicitur. *Fama hominis* est ipsius existimatio, seu dignitatis illæ status, Legibus, ac moribus comprobatus, qui ex delicto nostro autoritate Legum aut minuitur, aut consumitur, ut loquitur Callistratus l. cognitio- num 5. S. existimatio 1. ff. de extraord. cognit. Fama inter homines est populi, sive alicujus Provinciæ, vel loci hominum commune, constans, & publicum judicium, & assertio de re aliqua. Huic affinis est *Rumor*, qui definiiri potest, quod sit de re aliqua opinio, & sermo non communis, sed particularis, sive paucorum: quo à Fama distinguitur.

Ut Fama in Judicio fidem faciat, non allegari, sed probari debet. Probari autem potest 1. per privilegia, & instrumenta antiqua, intellige, si plura in eandem rem conveniant; nam unicum non sufficit, nisi sit Privilegium Papæ, vel alterius Summi Principis, aut Instrumentum tale super ipsa fama conjectum esset. Mascard. concl. 752. à n. 1. 2. Per Scripturas authenticas, & litteras virorum probatorum: quæ & ipsæ non unæ esse debent, sed plures, & diverorum. Mascard. l. cit. n. 2. 3. Per testes, saltem duos, nam hi communiori DD. calculo sufficiunt. Mascard. concl. 750. n. 1.

23 Ut verò per istos Fama rite probetur, requisita varia ponunt Mascard. concl. 750. cit. per totam, Stryck. de Jur. sens. differt. g. c. 4. Haun. tom. 5. tr. 4. à n. 333. Engl. hic à n. 14. Wiest. ibid. n. 34. & novissime R. P. Schmier Process. Judic. c. 13. à n. 10. 1. Enim debent deponere de auditu, quod audiverint à potioribus de communitate, rem ita se habere arg. c. qualiter 24. de accusat. c. preterea 27. de testib. 2. Debent assertione suam confirmare Juramento; quia sicut in alijs casibus testi non jurato non creditur, ita nec in famæ probatione, nisi forte 10. vel plures unanimiter de fama deponebant; tunc enim numeros supplet, quod in duobus periculoso videbatur. 3. Debent reddere rationem suæ scientiæ, seu nominare personas alias, à quibus fama ducat originem. *Excipitur*, nisi res essent minoris momenti, & præjudicij, vel facta antiqua, quæ hominis memoriam & ætatem excedunt; quia in talibus admittuntur probationes minus accuratae. 4. Debent saltem in confuso, & superficialiter scire, & si interrogentur à Judice, dicere posse, quid sit fama. Dixi, in confuso, & superficialiter; non enim est necesse, ut explicitam eam per verba Juris, sed sufficit, si exprimant per ver-

ba facti. E. g. si testificantur de fama possessionis, non est opus, ut dicere possint, quid sit possessio, & quomodo hæc, & fama, de qua testificantur, Juridicè describatur, sed sufficit, si dicant, se audivisse communiter talem tenere rem, & fructus ex illa colligere. Mascard. n. 35. 5. Denique testifications de ea deponentium debent esse concordes, ita, ut se mutuò adjuvent: item debent esse bene morati, & bona famæ, non mulierculæ, & homines viles, de quorum fide & depositionibus dubium merito fieri possit. Mascard. n. 37.

Effectus Famæ pro diversitate causa 24 diversus est. In Criminalibus, quamvis legitimè probata, in ordine tamen ad poenam infligendam probationis nec plena, nec semiplena vim habet; quia ad hunc effectum requiruntur probationes liquidæ, & luce clariores l. fin. C. de probat. Imò si alijs indicijs, & adminiculis non adjuvetur, aut valde veherens sit, nec ad torturam personæ eâ gravata sufficit. Mascard. concl. 755. n. 6. Carpzov. præf. crim. p. 3. q. 120. n. 27. Stryck. de Jur. sens. Diff. 3. c. 4. n. 30. P. Engl. hic n. 18. P. Wiest. n. 36. & hoc teste communiter DD. Non tamen omni effectu in causis his destituta est; nam 1. Procedi potest ex ea ad inquisitionem speciale in personam diffamatam c. qualiter 17. c. cùm oporteat 19. & c. qualiter 24. de accusat. 2. Aliquando dat locum incarcerationi, quando persona de fuga suspecta, nec adeo propter antè actam vitam honesta est. 3. Indici sic diffamato l'urgatio Canonica potest can. Presbyter 5. caus. 2. q. 4.

In Civilibus plerumque obtinet vim 25 semiplena probationis, cons. accidente alia probatione semiplena, plena efficitur, ut colligitur ex c. præterea 27. de testib. & l. testimoniis 3. S. ejusdem 2. ff. cod. Mascard. concl. 754. n. 11. Haun. tr. 4. cit. n. 354. Stryck. c. 4. cit. n. 22. Engl. n. 18. Wiest. n. 38. Dixi plerumque; nam aliquando plenam efficit fidem, aliquando Semiplenam minorem. Plenam facit, quando factum est occultum, & difficilis probationis; quando agitur de vitando peccato v. g. ut impediatur Matrimonium propter impedimentum Confanguinitatis, vel aliud dirimens inter personas contrahentes intercedens; quando res est modici præjudicij &c. de quibus vide Mascard. concl. cit. à n. 7. Semiplenam minorem vim habet in causis, quæ valde arduæ, & magni sunt præjudicij; imò quando fama à malevolis, maledicis, aut levibus hominibus orta est, vel propagata; quando testes de ea deponentes non sunt omni exceptione majores; quando vis ejus argumentis, & præsumptionibus in contrarium militantibus infirmatur &c. P. Wiest. n. 40.